

1494. eodem die, quo Sereniss. Württembergia familia Ducali titulo condecorata fuit, contulit, de feudis quibusdam An: 1531. Fratribus Freisingeris investituram dedit. (e) De cœtero illustris Baro de Kainach in manuscripto suo Genealogico memoriæ commendavit, Henricum Pruelchenkium Dynastiam Haimburgensem in Carnis jam Anno 1284. possedisse. (f)

(a) Archivum Statuum num. 1003. (b) Ibi num. 3254. (c) Ibi num. 3274. (d) Ibi num. 3311. (e) Ibi num. 2674. (f) Manuscript. Kainachian.

CAPUT XXXVI.

COMITES DE WEISSENWOLFF.

Ungnadia gens clara hodiè sub Comitum de Weissenwolff nomine stirpi huic antiquis temporibus jam familiari, & vetustate generis & gloriâ Majorum inter paucas semper emittit. Conradus Ungnadius Viennæ Austriæ in Minorum Cœnobio sepultus est, de quo toties allegatus Monasterii illius Codex sequentia refert:

*Pag. XLVI. Dominus Conradus Ungnad sepultus in Capella B. Catharine.*

*Pag. LXI. In secundo sepulchro sub Lapide Marmoreo Dominus Conradus Ungnad obiit Anno M. CCC. XL. nono Cal. Decembr. ubi Lit. F.*

Johannes Dominus de Ehrenfels in documento aliquo Archivi Statuum Austriæ de Anno 1408. Cognatos suos vocat Conradum & Wulffingum Ungnadios. (a) Literas primæ foundationis Monasterii Voitsberg in Carnis à Dominis de Hanau & Launs Anno 1427. datas Wulffingus Ungnadius subscripsit. (b) Leopoldus, Conradus & Johannes Fratres Domini de Kraig pactum mutuæ successionis Anno 1428. inierunt testemque ad istud negotium adhibuerunt Pancratium Ungnadium & Johannem ab Ostervviz supremum Capitaneum Carniolix. (c) Ad secundam foundationem supradicti Monasterii Voitsberg Anno 1443. peractam Johannis Ungnadii testimonium postulatum est. (d) Ille Johannes Ungnadius in aula Friderici IV. Imperatoris Sacro Cubiculo præpositus fuit & à Leonhardo Episcopo Passlaviensi bona quædam morte Leopoldi ab Eckertsau vacantia in feudum accepit Anno 1445. (e)

(a) Archiv. Stat. Austr. num. 1736. (b) Manuscript. Kainach. (c) Ibi. (d) Ibi. (e) Archiv. Stat. Austr. num. 2584.

CAPUT